

LÖG LANDSSAMBANDS SJÁLFSTÆÐISKVENNA

1. KAFLI

NAFN OG TILGANGUR

1. grein

Landssambandið er bandalag félaga og félagsdeilda sjálfstæðiskvenna og heitir „Landssamband sjálfstæðiskvenna“.

Stjórnarsetur þess og varnarþing er í Reykjavík.

2. grein

Tilgangur Landssambands sjálfstæðiskvenna er:

- Að efla þátttöku kvenna í innra og ytra starfi Sjálfstæðisflokksins. Að efla, styðja og hvetja konur til þess að gefa kost á sér í vali á lista í sveitarstjórnnum og á Alþingi. Að efla, styðja og hvetja konur til þess að gefa kost á sér í framvarðarsveit Sjálfstæðisflokksins.
- Að fylgja eftir því ákvæði skipulagsreglna Sjálfstæðisflokksins að jafnrétti kynjanna sé eitt af grunngildum Sjálfstæðisflokksins. Þegar kosið sé í stjórnir og skipað í trúnaðarstöður flokksstofnana, hvort sem er í nefndir, ráð eða stjórnir, skuli ávallt gætt að jöfnum hlutföllum kynjanna.

II. KAFLI

AÐILD

3. grein

Aðild að Landssambandi sjálfstæðiskvenna geta átt öll félög og félagsdeildir sjálfstæðiskvenna, sem stofnuð eru til eflingar þeirri stefnu, sem lýst er í 2. grein laga þessara og fullnægja að öðru leyti skilyrðum þeirra og skipulagsreglna Sjálfstæðisflokksins.

4. grein

Nú vill félag sjálfstæðiskvenna ganga í Landssamband sjálfstæðiskvenna og skal það þá senda stjórn Landssambandsins beiðni um það. Inntökubeiðni skulu fylgja lög, félagatal og hverjir skipa stjórn hlutaðeigandi félags.

5. grein

Er félag hefur verið tekið í Landssamband sjálfstæðiskvenna, skal senda því lög Landssambandsins, skrá yfir aðildarfélög auk annarra nauðsynlegra upplýsinga.

Þá skal og tilkynna öðrum aðildarfélögum Landssambandsins inntökuna.

6. grein

Vilji félag ganga úr Landssambandi sjálfstæðiskvenna, skal það senda stjórn sambandsins skriflega úrsögn, að fengnu samþykki félagsfundar viðkomandi félags.

III. KAFLI

STJÓRN OG FRAMKVÆMDASTJÓRN LANDSSAMBANDS SJÁLFSTÆÐISKVENNA.

7. grein

Málefni Landssambands sjálfstæðiskvenna annast stjórn, framkvæmdastjórn, fulltrúaráð og aðalfundur sambandsins.

8. grein

Stjórn Landssambands sjálfstæðiskvenna skal skipuð fjórtán konum.

Stjórnin skal kosin á aðalfundi. Í stjórninni skulu eiga sæti konur úr öllum kjördæmum landsins, þar sem félög sjálfstæðiskvenna eru starfandi.

Formaður skal kosinn sérstaklega. Aðrir stjórnarmenn skulu kosnir í einu lagi, sömuleiðis jafnmargir varamenn. Stjórnin skiptir sjálf með sér verkum og kýs sér varaformann, ritara og gjaldkera úr sínum hópi.

Á aðalfundi skal kosin þriggja manna kjörnefnd sem gerir tillögur fyrir næsta aðalfund.

Við stjórnarkjör skulu að jafnaði 3 konur ganga úr stjórn. Eftir því sem við verður komið skulu þær konur víkja, sem lengst hafa setið í stjórninni. Ekki má kona gegna sama embætti í stjórninni lengur en í 4 ár samfleytt.

9. grein

Kjörgengi í stjórn Landssambands sjálfstæðiskvenna hafa allir meðlimir félaga þeirra og félagadeilda, sem í Landssambandinu eru og trúnaðarkonur, þar sem félög eru ekki starfandi.

10. grein

Stjórnarfundur skal boðaður með tryggilegum hætti með einnar viku fyrirvara, nema sérstaklega standi á. Heimilt er að nýta fjarfundabúnað. Fundargerðir stjórnar skulu sendar öllum stjórnarkonum jafnóðum.

11. grein

Stjórn Landssambands sjálfstæðiskvenna kýs úr sínum hópi tvær konur og tvær til vara sem ásamt formanni, varaformanni, gjaldkera og ritara mynda framkvæmdastjórn. Framkvæmdastjórn annast daglegan rekstur sambandsins milli stjórnarfunda. Sérhver framkvæmdastjórnarmaður getur krafist þess að máli sé vísað til ákvörðunar stjórnarfundar. Fundir framkvæmdastjórnar eru opnir öllum stjórnarkonum Landssambandsins.

IV. KAFLI

AÐALFUNDUR.

12. grein

Aðalfundur skal haldinn annað hvert ár.

Aukafundur getur stjórn Landssambandsins kallað saman ef nauðsyn þykir og skyld er hún til þess ef meira en helmingur fulltrúa í fulltrúaráði krefst þess.

Til aðalfundar skal boðaður með tveggja vikna fyrirvara.

13. grein

Á aðalfundi eiga sæti:

- a. Stjórn Landssambands sjálfstæðiskvenna.
- b. Fulltrúar, er félögin í Landssambandi sjálfstæðiskvenna kjósa, skv. reglum 14 gr. 1. mgr.
- c. Fulltrúar kvenna í sjálfstæðisfélögum, þar sem kvenfélög eru ekki starfandi, skv. reglum 14. gr. 2. mgr.

Kjörgeng til aðalfundar er hver sú kona, sem er meðlimur í einhverju aðildarfélagi Landssambands sjálfstæðiskvenna, svo og konur, sem eru meðlimir í almennum félögum sjálfstæðismanna, þar sem kvenfélög eru ekki starfandi.

14. grein

Þingfulltrúatala aðildarfélags skal fundin með því að deila 20 í félagatölu þess. Komi þá út brot, skal það hækkað upp ef það er meira en 1/2, ella skal því sleppt.

Þingfulltrúatala kvenna í almennum félögum sjálfstæðismanna, þar sem kvenfélög eru ekki starfandi, skal fundin með því að deila 20 í fjölda kvenna í félaginu. Komi út brot, skal það hækkað upp ef það er hærra en 1/2, ella skal því sleppt.

Nú óskar aðildarfélag, eða konur í almennum félögum sjálfstæðismanna, þar sem kvenfélög eru ekki starfandi, eftir að senda á aðalfund fleiri fulltrúa en reglur 1. og 2. mgr. heimila og getur stjórn Landssambandsins þá samþykkt og leyft þeim fundarsetu sem áheyrnarfulltrúar.

15. grein

Á aðalfundi skal gerð grein fyrir starfsemi Landssambands sjálfstæðiskvenna á liðnu starfstímabili og rætt. Þar skulu lagðir fram reikningar Landssambandsins. Þar skal vera kjörinn formaður og stjórn sambandsins sbr. 8 grein. Einnig skulu þar kjörnir fulltrúar Landssambandsins í flokksráð skv. skipulagsreglum Sjálfstæðisflokksins.

16. grein

Aðalfundur kýs sér fundarstjóra og ritara.

Einfaldur meirihluti ræður úrslitum mála á aðalfundi, nema annars sé getið.

V. KAFLI

KJÖRDÆMISÞING.

17. grein

Heimilt er félögum sjálfstæðiskvenna í hverju kjördæmi að hafa með sér samtök. Efnt skal árlega til kjördæmisþings sjálfstæðiskvenna í hverju kjördæmi, eða eftir því sem ástæða þykir til. Skulu fulltrúar félaga á kjördæmisþingum valdir með sama hætti og til aðalfundar.

Stjórn Landssambands sjálfstæðiskvenna á rétt til að sitja kjördæmisþing með málfrelsi og tillögurétti. Ekki hafa þær atkvæðisrétt nema kjörnar séu á þingið.

Fulltrúi kjördæmisins í landssambandsstjórn kallar saman kjördæmisþing, en stjórn Landssambands sjálfstæðiskvonna hefur rétt til að kalla slíkt þing saman, ef hún telur nauðsyn á.

VI. KAFLI

TEKJUR

18. grein

Aðildarfélög skulu greiða til Landssambands sjálfstæðiskvonna árgjald fyrir hverja félagskonu. Á aðalfundi skal ákveða árgjöld aðildarfélaganna fyrir næstu tvö árin.

19. grein

Reikningstímabil Landssambands sjálfstæðiskvonna er milli aðalfunda.

VII. KAFLI

LAGABREYTINGAR O.FL.

20. grein

Lögum þessum má aðeins breyta á aðalfundi og þarf samþykki meirihluti fundarmanna. Tillögur um lagabreytingar skulu sendar aðildarfélögum a.m.k. tveimur vikum fyrir aðalfund.

Samþykkt á aðalfundi í Valhöll, Reykjavík 17. Febrúar 2016